

大乘修行菩薩行門諸經要集

上

四百三十一  
觀五

5-1000



元祿九年丙子二月日重脩

皇圖瓊閣 帝齋銀昌

佛日增輝 機輪常轉

山城州天安寺法金剛院置

大乘修行菩薩行門諸經要集卷上 觀

終南山至相寺將軍師智嚴於石龕谷譯

諸經集四十二部

凡菩薩行門惣六十六條具列如後

第一出象腋經 顯說三條行

解六波羅蜜行 修行菩薩為  
衆生故生於六趣 受諸快樂善

空行 薩行 喻

第二出說妙法決定業障經 顯說三條行

教菩薩行表善知識退善提因  
雖謗法法入耳故當成佛道

解二十四種  
大乘名号

第三出維摩詰所問經 顯說二條行

解佛種性因發起修行善  
薩行解出家因緣功德經



第四出方廣如來智經

顯說二條行

解非善知識不應同居  
聲聞道行與修行菩薩行深淺

第五出勝義諦品經

顯說二條行

修行菩薩起十種行願速成佛  
道解修行菩薩十種戒行成

就六波羅蜜

第六出大般若波羅蜜多經

顯說四條行

修行菩薩初修檀波羅蜜因無  
散亂發起菩提解修行菩薩恐  
畏散亂菩提心故攝念六波羅  
蜜解釋煩惱因緣解修行菩薩  
初發起菩提心專  
持六波羅蜜行

第七出花嚴經善財童子經

顯說一條行

初修行菩薩發起菩提  
校量聲聞道行譬喻

第八出寶髻所問經

顯說一條行

第九出演法師品經

戒修行修六波羅蜜持

顯說二條行

第十出決定毗尼經

修行菩薩校量聲聞法教又  
解於諸刹土修行菩薩行門

顯說二條行

第十一出遍清淨毗尼經

解修行菩薩及聲聞行人如何  
任持戒行解三毒輕重因

顯說二條行

已上一十一部入上卷

校量修行菩薩戒行校授  
聲聞戒行調伏其心

第十二出海慧菩薩所問經

顯說八條行

修行菩薩縱犯六波羅蜜善巧  
方便而能成就不犯  
若波羅蜜深義引喻校量聲聞  
與菩薩輕重修行菩薩初發善  
提心實能忍辱不令邪魔退失善  
提解忍身口意三業不動成就

第十三出戲樂嚴經

六波羅蜜解觀行成就六波羅蜜念門解四種善行解修行菩薩所修道行有十種功德與障道俱除鈎解八種功德與煩惱和

顯說一條行

第十四出善巧方便經

解修行菩薩善巧方便五欲因緣然則勸令發起菩提因而度衆脫無量

顯說一條行

第十五出勝積品經

修行菩薩習學聲聞行犯重障因

顯說一條行

第十六出如來藏經

喻修行菩薩退入聲聞行

顯說一條行

觀念如來忍辱因果

第十七出金光上勝毗尼經

顯說一條行

金光勝童女發十種行願放出家心開意解

第十八出降伏魔經

顯說一條行

魔為菩薩說二十種魔障應當自覺不取

第十九出富婁那所問經

顯說一條行

修行菩薩為惡知識故四種因緣退捨菩提入聲聞解脫

第二十出寶童子所問經

顯說一條行

修行菩薩與聲聞校量道四種實語不妄諸行無欺

第二十一出寶積經

顯說一條行

修行菩薩與聲聞校量法行

右已上一十部入中卷

第二十二出虛空藏菩薩所問經顯說一條行

第二十三出如來境界經  
說修行菩薩有四十種魔障若能覺悟兼能超度四魔  
顯說一條行

有諸比丘於迦葉如來聞法故於今不忘當生彌勒三會

第二十四出阿闍世品經  
顯說一條

解三乘藏菩薩因又解上座因

第二十五出離垢菩薩所問經  
顯說一條行

空中有菩薩眾中佛所是等現身是女人為發菩提心故轉為男子

第二十六出文殊師利菩薩解義經  
顯說一條行

修行菩薩修習二種行獲十種善根利益

第二十七出光明遍照品經  
顯說一條行

諸有比丘隨佛在於逝多林中不見如來威神聖德喻諸菩薩



福力殊勝  
於聲聞

# 第二十八出出生菩提經

顯說二條行

說三種佛地又  
說三乘高下因緣

# 第二十九出寶聚經

顯說一條行

初發菩提心人功德多於  
恒河沙數罪無能及可及

# 第三十出那羅延品經

顯說一條行

說修行菩薩住  
於四種住地

# 第三十一出集一切德品經

顯說一條行

修行菩薩投刀請殺願易  
生死救度衆生不離三界

# 第三十二出密嚴經

顯說一條行

校量聲聞與修行  
菩薩行業深淺

# 第三十三出梵刹經

顯說一條行

第三十四出一切諸佛所念經  
修行菩薩每數發忍辱大行願速進菩提  
顯說一條行

修行菩薩忍辱身口意著恥三業不復更犯

第三十五出法集經  
顯說二條行

修行菩薩修持十種戒行復有十種戒行

第三十六出阿耨多羅三藐三菩提經  
顯說一條行

卷

菩薩戒經

一切諸色行人戒力皆有盡時唯除菩薩戒力無盡

第三十七出集會品經  
顯說一條行顯示三乘法教

第三十八出郁伽長者所問經  
顯說一條行

說在家菩薩應修四種行功德不出家因緣

第三十九出殊勝具戒品經  
顯說二條行

初修行菩薩初發起菩提心應共魔闍堪受無量衣食床卧無

第四十出解深密經

障又釋阿耨達龍  
王以四大河成

顯說一條行

第四十一出勝鬘經

修行菩薩地行  
波羅蜜住地行

顯說一條行

第四十二出生無邊門經

勝鬘夫人以偈讚歎如來  
則現夫人受十大願

顯說三條行

說持是經陀羅尼者臨命終時  
八十億諸佛親來迎接又表如  
來三身又說修行菩薩四事  
四事無相行門速成佛道

右二十一部入下卷

若欲偏尋當條請依

此次第披檢經文

出象腋經

一顯說三條行

解修行菩薩入六道救度眾生  
行善生入六波羅蜜空  
故身受快樂菩薩修  
行喻若虛空譬喻

尔時文殊師利童子白佛言世尊我有所疑  
唯願如來為眾解說佛告文殊師利童子言  
恣汝所問我當為汝解說其義令汝及眾歡  
喜奉行尔時文殊師利童子白佛言世尊修  
行菩薩如何住於勝上妙法顯現一切菩薩  
行門而能成熟無量眾生喻如滿月現於一  
切佛刹尔時世尊歎文殊師利童子言善哉  
善哉文殊師利汝以少問我今為汝廣解所  
疑汝當諦聽善思念之時文殊師利童子言

唯然世尊受教而聽佛言修行菩薩有六種  
相應法善住於一切甚深法趣何者爲六所  
謂一者若修行菩薩樂施無恡不見慳心與  
身有異身與恡心俱無所得二者堅持戒行  
不見身與非戒有異身與非戒俱無所得三  
者善住忍辱守護自心不見自身嗔恚俱無  
所得四者精勤善行不見自身與慢有異身  
與怠慢俱無所得五者方便淨住禪定三昧  
不見自身離於諸行亦不和合三昧定心一  
切法故俱無所得六者正智於一切諸法無  
所得故乃至不求涅槃不見自身與衆生身  
而爲有異於六趣中見身無異故文殊師利

當知修行菩薩以此六種法故成就一切甚  
深法行

復次文殊師利修行菩薩復有六種相應法  
行善入一切甚深法行何者爲六所謂一者  
修行菩薩若生地獄受天快樂二者若生畜  
生則受人間上妙快樂三者若生貧家則受  
轉輪聖王快樂四者若生六趣各現本身端  
嚴殊勝無能過者五者善巧方便遊歷十方  
諸佛刹土無去無來安然不動於一切佛刹  
示現其身六者以隨類音演說諸法而不雜  
亂文殊師利當知修行菩薩以是六種法故  
善得一切甚深法行

尔時文殊師利童子白佛言世尊如何修行  
菩薩生於地獄而得受天快樂佛告文殊師  
利童子言修行菩薩有三昧名摩訶鉢頭摩  
得此三昧已爲諸衆生入於地獄受天快樂  
是諸地獄人見其菩薩受地獄苦菩薩以福  
力故與諸罪人普爲說法度脫無量百千衆  
生文殊師利當知修行菩薩生於地獄而受  
諸天快樂

復次文殊師利童子白佛言如何修行菩薩  
生於畜生而受人間上妙快樂佛告文殊師  
利童子言修行菩薩有三昧名遍寂靜得此  
三昧已則生畜生不失其念仍受人間上妙

快樂以畜生身故與諸畜生解說佛法度脫  
無量百千衆生文殊師利當知修行菩薩爲  
衆生故生於畜生而受上妙人間快樂

文殊師利童子復白佛言世尊如何修行菩  
薩生於貧里而受輪王快樂佛告文殊師利  
童子言修行菩薩有三昧名離緣寂靜得此  
三昧已而生貧家與諸貧里衆生說法毀皆  
慳貪無戒讚揚布施持戒善因度脫無量百  
千衆生身受轉輪聖王快樂

文殊師利童子復白佛言如何修行菩薩於  
六趣中爲衆生故各隨其類現種種形受諸  
快樂皆得殊勝佛告文殊師利童子言修行



菩薩有三昧名一切遍光明得此三昧力故  
遍生六趣方便示現雜類身形受諸快樂相  
貌殊勝

文殊師利童子復白佛言世尊如何修行菩  
薩善巧方便遊於一切佛刹無去無來安然  
不動如水中月現於一切佛刹亦時佛告文  
殊師利童子言修行菩薩有三昧名攝一切  
語言得此三昧力故分身現於十方諸佛刹  
土而無去無來安然不動現於佛刹見諸如  
來皆聞法要如是修行菩薩善巧方便遍歷  
一切諸佛刹土無去無來安然不動如水中

月現諸佛刹

文殊師利童子復白佛言世尊如何修行菩  
薩於一切異類衆生隨其類音而爲說法是  
諸言音而無雜亂佛告文殊師利童子言修  
行菩薩有陀羅尼名阿難叟伐多得此陀羅  
尼已修行菩薩則能了知無量無邊衆生心  
各解其言語而無雜亂尔時文殊師利童子  
白佛言世尊修行菩薩善巧方便甚難了知  
世尊修行菩薩求於甚深法者親近何等法  
行可知可識佛告文殊師利童子言若有修  
行菩薩樂知是法義者喻若虛空爲對文殊  
師利童子言如何虛空爲對佛言譬如虛空  
無貪嗔癡文殊師利當知色等諸法亦復如

是無貪嗔癡不異涅槃相故復次譬如虛空  
布施持戒忍辱精進禪定智慧皆無和合爲  
無相故一切色等諸法亦復如是無所相應  
施戒忍進定慧不異涅槃相故涅槃亦無和  
合復次譬如虛空無棄無別文殊師利當知  
色等諸法亦復如是無棄無別涅槃亦亦無  
棄無別復次譬如虛空無知無習文殊師利  
當知一切色等亦復如是無知無習涅槃亦  
亦無知無習復次譬如虛空無明無闇色等  
諸法亦復如是無明無闇涅槃亦亦無明無  
闇復次譬如虛空於一切處無所執得當知  
色等諸法亦復如是不可執得涅槃亦亦無

所執故復次譬如虛空無道所得無非道所得色等諸法亦復如是無道所得無非道所得涅槃亦尔無道無非道故復次譬如虛空不學聲聞解脫緣覺解脫大乘解脫色等諸法亦復如是一切乘處無所學故涅槃亦尔無所學故復次譬如虛空無攀無受色等諸法亦復如是無攀無受涅槃亦尔無攀無受復次譬如虛空不取不捨色等諸法亦復如是不取不捨涅槃亦尔不取不捨復次譬如虛空無有體性無有濁亂是以一切衆生於涅槃體性皆無濁亂涅槃亦尔無濁無亂復次譬如虛空於一切處無著無動文殊師利

當知修行菩薩亦復如是當知一切衆生於一切法無所著故涅槃亦尔無有所著若能如是悟達正智當知執想諸法則是涅槃知無常故文殊師利一切諸法既無實相若願見佛身者不應如是若非所見則達正位達正位者於中執相如是行施非大福田亦非利他如是施者不獲多福無所利益若有所施不求獲多福利者是名世間乞士於中所施福利無價既獲無價福利則得自無所得福智成就既獲自無所得福智成就已則能速得無生法忍

第二

出說妙法決定業障經

顯說三條行

解善惡知識不退菩提解邪魔  
故聞法故聞法誹謗已聞法故  
後當成佛解二十  
四種大乘名号

如是我聞一時佛在法界藏殿諸佛所會無  
邊道場與大比丘眾菩薩摩訶薩俱時此道  
場有一夫人名曰功德莊嚴開敷花合掌向  
佛退坐一面

尔時夫人白佛言若有初修行菩薩何等之  
人非善知識不應共住佛告夫人若三界中  
梵釋四王沙門婆羅門皆與修行菩薩為善  
知識唯除聲聞非善知識恐聲聞退修行菩  
薩大乘道行何以故聲聞緣覺為已利故勸

引初修行菩薩迴入小乘是以聲聞乘人非  
善知識夫人當知初修行菩薩不應與聲聞  
比丘同居房舍不同坐床不同行路若初修  
行菩薩智慧彌廣無二分別悟大乘法而爲  
方便勸引聲聞令入大乘方許同住若聲聞  
比丘福智狹劣則修行菩薩不應爲說甚深  
大乘恐其誹謗復次修行菩薩不應數覽小  
乘經論何以故爲障佛道故夫人當知修行  
菩薩寧捨身命不棄菩提而入聲聞求羅漢  
道菩薩勸請一切衆生已尔時若捨菩提之  
心別起異道入於聲聞羅漢道果因惱亂故  
菩薩而退菩提二人俱墮無間地獄佛告末

人修行菩薩寧犯殺等五種大罪不學須陀  
洹果不退菩提修行菩薩寧於一劫百劫乃  
至千劫受地獄苦不學斯陀含果不退菩提  
修行菩薩寧墮畜生不學阿那含果不退菩  
提修行菩薩寧殺害衆生墮於地獄不修阿  
羅漢果不退菩提羅漢獨證私入涅槃譬如  
小賊密入他舍修行菩薩菩提心故攝諸衆  
生寧同火坑不住聲聞寂滅涅槃不退菩提  
以是義故爲攝衆生今入佛道故如是修行  
菩薩一切世間天人阿脩羅之所尊重堪任  
供養超越聲聞則邪魔眷屬無能燒惱

尔時夫人白佛言何者邪魔眷屬佛告夫人



敷演大乘經典之處若有衆生聞說大乘心  
不樂聞調弄誹謗當知則是邪魔眷屬誹謗  
大乘經典心故死墮阿鼻受苦無量復生餓  
鬼食火屎尿無量劫中受苦畢已後生人中  
盲聾瘖啞病癩不具此等衆生命終之後經  
無量生方得值遇如來親承供養於諸佛所  
還復得聞大乘經典純一無雜尔時如來於  
諸毛孔普出言音一一毛孔出無量億百千  
法光復生無量法音偈讚時此會中若有聲  
聞則聞聲聞乘法若有緣覺乘人則聞緣覺  
乘法若有大乘行人則聞大乘妙法鳥獸之  
類各隨其音而聞佛法於此會中所有衆生

過去未曾耳聞佛法皆見如來默然不語其餘衆生過去曾謗大乘經故雖於多劫墮在地獄餓鬼受苦由謗法時大乘入耳是故佛所親聞大乘心生歡喜而發無上菩提之心究竟成就阿耨多羅三藐三菩提

今時夫人白佛言所說大乘何故名爲大乘何故說爲大乘佛告夫人善哉善哉夫人深樂大乘以是義故善思念之當爲汝說大乘名号所謂一者令人深樂是名大乘二者不動是名大乘三者無過是名大乘四者無量是名大乘五者如四大海是名大乘六者金翅及緊那羅摩睺羅伽雜類所敬是名大乘

七者軋闥所讚是名大乘八者諸天恭敬是  
名大乘九者梵天歸依是名大乘十者天帝  
所敬是名大乘十一者四王所攝是名大乘  
十二者龍王供養是名大乘十三者菩薩奉  
持是名大乘十四者成就佛性是名大乘十  
五者賢聖歸依是名大乘十六者一切普堪  
所受是名大乘十七者如藥樹王是名大乘  
十八者斷諸煩惱是名大乘十九者能轉法  
輪是名大乘二十者無言無說是名大乘二  
十一者如虛空相是名大乘二十二者三寶  
種性無斷是名大乘二十三  
者鈍根衆生不  
信是名大乘二十四者超過一切是名大乘

尔時佛說大乘威力名号之時此三千大千  
世界六種振動百千樂器不鼓自鳴則於空  
中諸天雨花無量百千天子皆發無上菩提  
之心無量百千聲聞皆發阿耨多羅三藐三  
菩提心復有初戒菩薩未悟法者皆已悟解  
尔時阿難白佛言世尊此法何名如何奉持  
佛言是經名為大乘巨拏勝斯受持又名說  
妙法決定業障受持如來說此經已阿難及  
功德莊嚴開敷花夫人及諸天龍八部皆大  
歡喜持受奉行

第三

出維摩詰所問經

顯說二條行

解佛種性因緣發起善  
提解出家因緣功德

尔時維摩詰長者白文殊師利菩薩言汝善  
明解如來種性於意云何何等為種性文殊  
答言善男子是諸佛種性五陰種性無明生  
死種性貪嗔癡種性四倒妄想種性五蓋種  
性六入種性七識煩惱種性九惱滅壞身心  
種性十惡不善種性善男子略要言之六十  
二見及一切煩惱性是如來種性時維摩詰  
問言汝何義故云一切煩惱是佛種性文殊  
師利答言善男子若執見無為已住定滅是  
人不應發得阿耨多羅三藐三菩提若菩薩  
住於煩惱住地見正位實相是人堪任發得

菩提譬如陸地不生蓮花青淤泥中而生蓮  
花善男子亦復如是若聲聞緣覺住於無爲  
滅定佛種花牙無復更生煩惱淤泥池中能  
發菩提因煩惱故佛種牙生善男子譬如空  
中種子不生糞壤之地乃能茂盛善男子亦  
復如是不應無爲滅定而生菩提若起我所  
非我所心等於須弥仍堪發生菩提而生佛  
種無量智慧善男子譬如不入四大海水無  
由取得無價寶珠善男子亦復如是若不入  
煩惱大海無由取得佛性寶珠當知菩提種  
性本從煩惱中來

尔時長老摩訶迦葉歎文殊師利菩薩言誠

如所說真實不虛如是佛種皆是煩惱種性  
何以故我等聲聞無復堪任發生菩提我等  
為燒滅三界煩惱種子我等寧以無間五逆  
不應斷解世間煩惱何以故若人已造五逆  
惡罪受畢竟還復發生菩提之心親聞佛  
法顯現佛事若阿羅漢煩惱已盡無復後有  
無能發得阿耨多羅三藐三菩提譬如有人  
五根揔壞是人識心不堪更起羅漢亦令煩  
惱揔壞諸結已除既無力故不堪扶持無上  
菩提以是義故凡夫親近於佛聲聞辟支遠  
離菩提何以故凡夫數聞三寶威力無量種  
性則發菩提不斷阿耨多羅三藐三菩提心

若聲聞緣覺雖曾聞說如來聖德十力無畏  
十八不共亦不堪任發得菩提

佛告羅睺羅汝詣維摩詰問疾羅睺羅白佛  
言世尊我不堪任詣彼問疾所以者何我念  
昔時鞞舍離城有諸族姓子來詣我所稽首  
作禮而問我言唯羅睺羅汝佛之子捨轉輪  
王位出家爲道其出家者有何等利時我與  
諸族姓如法爲說出家功德因緣說此法時  
維摩詰而來我所稽首我足而謂我言唯羅  
睺羅汝今所說出家功德不應如是所以者  
何夫出家者無利無功德是爲出家有爲法  
者可說有利有功德夫出家者無爲法故無



爲法者無利無功德遠離一切諸行處於涅槃智趣所受聖所行處降伏衆魔度五道淨五眼定五根施無畏不惱於他不染雜惡摧諸外道超越假名出離犯戒淤泥池中我所無著無我所無所受亦無擾亂調伏身心攝護他衆隨禪定離外過一切處而無所取若能如是出家名爲善出汝等於正法中宜共出家善學律儀諸佛法教所以者何人身難得佛出世難逢無上菩提甚難發起卽時此等諸子白維摩詰言我等聞佛所說若父母不聽不得出家時維摩詰長者告諸童子言汝等但發阿耨多羅三藐三菩提心常修梵行

是則出家功德

今時此三十二族姓子皆發阿耨多羅三藐  
三菩提心故我無言可答以是義故我不堪  
任詣彼問疾

第四

出方廣如來智經

顯說二條行

解善惡知識菩薩不應聲聞  
同居解修行菩薩與聲聞校  
量道行  
深淺

今時佛告摩訶目捷連善男子當知善知識  
故教道諸法菩薩而成阿耨多羅三藐三菩  
提是以初修行菩薩不應學聲聞緣覺小乘  
教道何以故一切破戒邪行之人是菩薩善

知識若聲聞緣覺障佛道故則非善知識何以故犯戒之人不堪破於菩薩正行是犯戒邪行之人法無力故不能障於菩薩佛道若聲聞緣覺以世諦無我復無煩惱以是智故能令初學菩薩入於聲聞教道當知聲聞非是菩薩善知識也修行菩薩寧與破戒邪行交通不與聲聞緣覺乘人受法何以故犯戒邪行雖共交通身相遠離若聲聞人行坐不離譬如家賊不離其側以是義故菩薩不應與聲聞人習學交往譬如野干不堪師子同居當知聲聞與其菩薩亦復如是何以故聲聞修學唯利己故若修行菩薩專求佛道度

脫衆生聲聞唯見一身趣路若菩薩善行正  
路導引衆生聲聞唯淨已心若菩薩能淨已  
心亦淨衆生聲聞唯自除煩惱若菩薩自除  
煩惱亦能除滅衆生煩惱聲聞入邪疾路獨  
避世間菩薩自入正路導引衆生聲聞唯除  
習氣煩惱菩薩成等正覺習氣都滅煩惱悉  
除聲聞異道入於涅槃菩薩自證正道無餘  
涅槃聲聞入於寂滅涅槃其法亦滅若菩薩  
成等正覺已入無餘涅槃法仍不滅十力無  
畏十八不共四聖諦三十二相八十種好無  
量佛事神通不滅當知聲聞及辟支佛皆無  
是德

第五

出勝義諦品經

顯說二條行

修行菩薩起十種行願速成  
佛道解修行菩薩十種戒

行成就六  
波羅蜜

尔時普賢菩薩語普智菩薩言佛子修行菩薩為求阿耨多羅三藐三菩提故應起十種行願何者為十所謂一者願度一切眾生二者令其遠離一切煩惱三者除滅相續習氣四者於一切佛法無所疑惑五者除救眾生一切苦聚六者願救眾生三途八難七者歸依親侍一切諸佛八者願學菩薩一切戒行九者昇於空中示現毛端無量佛事十者以

大法鼓擊動一切佛刹衆生聞者隨機速入  
無餘涅槃當知初學菩薩如是修行若住此  
地不久而起如來行願

復次佛子修行菩薩復有十種戒行何者爲  
十所謂一者究竟不退菩提是其戒行二者  
遠離聲聞辟支佛地三者常爲一切衆生身  
心利故四者令一切衆生住於佛行五者受  
持菩薩戒行無令缺犯六者開悟一切諸法  
七者所修功德迴施十方願成佛道八者不  
應分別如來法體九者一切世法無所貪著  
十者防護六根無令染著佛子是修行菩薩  
十種戒行若菩薩能住此地不久圓滿戒行

六波羅蜜成就無上菩提

復次修行菩薩復有十種退道迷路應當遠離每自察心何者爲十所謂一者不敬師僧和尚及善知識是其迷路二者怖畏世苦是其迷路三者所修戒行忽生悔心是其迷路四者不樂住於諸佛刹土是其迷路五者不樂三摩鉢低是其迷路六者修少分功德便以爲足是其迷路七者誹謗大乘是其迷路八者遠離菩薩戒行是其迷路九者樂阿羅漢辟支佛道是其迷路十者若見修行菩薩心生憎嫉是其迷路佛子如是十種菩薩迷路能遠離不久當入解脫法門

復次修行菩薩應有十種行願何者爲十所謂一者願我爲諸衆生盡未來劫住於世間如是願者是普善願二者願我最後親侍供養一切諸佛如是願者是普善願三者願我令一切衆生住於普賢菩薩行願如是願者是普善願四者願我積集一切戒行功德如是願者是普善願五者願我普修六波羅蜜如是願者是普善願六者願我滿足菩提戒行如是願者是普善願七者願我莊嚴淨一切佛刹如是願者是普善願八者願我生於十方佛刹如是願者是普善願九者願我深求一切佛法善自開解如是願者是普善願



十者於諸佛刹成等正覺如是願者是普善願佛子當知是修行菩薩十種大願以願力故速獲菩薩具足行願

復次修行菩薩復有十種魔障何者爲十所謂一者忽生退心我不成佛是其魔障二者正起勤修忽然棄捨是其魔障三者少分功德而生厭足是其魔障四者樂住隱僻善行俱捨是其魔障五者棄捨一切善願是其魔障六者捨斷煩惱樂修滅定是其魔障七者斷割世法是其魔障八者退捨菩薩道行是其魔障九者不樂勸化衆生是其魔障十者誹謗佛法是其魔障佛子當知是修行菩薩

十種魔障若菩薩遠離是等不久速得如來  
十種記莠地位

第六

出摩訶般若波羅蜜經中

顯說四條行

初修行菩薩初學檀波羅蜜  
發起菩提心無散亂已菩提  
心散亂故攝念六波羅蜜行  
解煩惱因緣菩薩初發菩提

心持六波羅蜜行

尔時聖者舍利弗語聖者富婁那言復次富

婁那修行菩薩應當初學檀波羅蜜何以故

貪惜世業無始習氣若修行菩薩捨施之時

慳心則捨因則能發菩提心若發菩提則能

漸漸增長成就若漸增長成就則漸遠離二

乘若漸遠離二乘則復昇進阿耨多羅三藐  
三菩提譬如雨中安置瓦瓶是瓶所入第一  
雨滴及最後滴非緣前後二滴水瓶得滿要  
其中間雨滴漸入而得盈滿富婁那當知亦  
復如是若修行菩薩不應以初發菩提心故  
而成佛道亦不以最後菩提樹下而成佛道  
以是義故初發菩提心故乃至最後於其中  
間菩薩漸證佛道發起種種善行三阿僧祇  
修行利益資助佛道是以仁者富婁那修行  
菩薩不應散亂心無所染

尔時聖者富婁那語聖者舍利弗言修行菩  
薩如何攝心而無散亂舍利弗言菩薩助佛

道故若發邪行惡見將爲善利當知我今所  
發惡行應是菩提利故何以故爲我是邪見  
不斷世間生死是以我身變易世間方便利  
益無量衆生以是義故修行菩薩如是智慧  
心無散亂

尔時富婁那語舍利弗言若菩薩菩提心亂  
如何相貌而得知耶舍利弗言此心散亂是  
聲聞緣覺乘人障其道故若求二乘道果當  
知則是散亂心也何以故二乘道行不應菩  
提若修行菩薩貪瞋癡見尚不散亂何以故  
爲此三毒見助佛道故轉易生死利益菩提  
以是見故生於世間善巧方便圓滿六波羅

蜜修行菩薩以資助煩惱故得阿耨多羅三藐三菩提富婁那當知若修行菩薩攝念心故而生障善當知則是散亂復有相應聲聞辟支佛攝念菩薩亦是散亂若非此等攝念不斷生死資助道故不應亂心何以故為攝念故修行菩薩在於世間以善巧方便攝念相續不斷生於世間生已則受檀波羅蜜持戒波羅蜜忍辱波羅蜜精進波羅蜜禪波羅蜜智慧波羅蜜修學如是攝念資助世間生死道故修行菩薩應當如是授學乃至成佛而無有捨富婁那當知修行菩薩不應厭離煩惱何以故以智識別煩惱作是思念是等

煩惱饒益我身助我成佛若此煩惱有相可  
以上妙供養何以故爲此煩惱故修行菩薩  
常所護惜煩惱以是義故應當以智識煩惱  
因何以故爲我善巧方便不攝三界繫縛令  
我增長圓滿六波羅蜜故速得菩提若六波  
羅蜜漸漸增長我則解脫世間生死繫縛而  
得寬慢富婁那當知譬如車載重物以車重  
故車軸漸漸研磨載物纒入到城其軸事畢  
則斷當知因煩惱故三界而有生死修行菩  
薩若煩惱故續續生於世間六波羅蜜則得  
增長圓滿若六波羅蜜漸得圓滿則生死煩  
惱漸得微薄若生死煩惱漸薄則能決定漸

近佛位若修行菩薩坐菩提樹已則起薩婆  
若智前後煩惱當則斷滅無復更生是諸煩  
惱所作已辦菩薩成正覺已煩惱無復有緣  
譬如車軸載重入城事畢然乃始斷修行菩  
薩若成阿耨多羅三藐三菩提已亦復如是  
煩惱事辦無復有緣是以當知為是利故中  
間不斷煩惱修行菩薩縱被瞋罵返從乞求  
所須皆是助道善緣發起菩提心故若攝羅  
漢心智亦是修行菩薩助佛道故若無羅漢  
行門如來從何制修羅漢道果以制修故而  
助佛道

今時世尊於摩訶般若伽他所說譬如世間

若樹木無牙則無樹身若無樹身枝葉花果  
無由盛茂當知衆生若無菩提牙種諸佛不  
現世間若佛不出於世聲聞從何而起譬如  
明燈要賴炷心而是炷心不因第一火焰而  
能燒盡亦非不因初焰而盡復非後焰燒滅  
而盡亦非因後焰而盡以是義故前後中間  
焰焰相續故炷心燒盡菩提亦亦非緣初心  
成佛亦非後心前後中間相續心故而能成  
佛何以故刹那刹那菩提心故而成佛道若  
修行菩薩布施不著我相人相受者相心無  
所求無慳恡心如是布施縱施少分等施無  
量則是修行菩薩具足檀波羅蜜行



復次修行菩薩若恒念如來圓滿威神顯揚  
聖德則是菩薩甚深戒行若菩提漸減佛說  
戒相則虧若修行菩薩順世法故雖受五欲  
心念三歸是故願我成等正覺救度衆生此  
則已住持戒波羅蜜行修行菩薩如是智慧  
念心不犯不名犯戒若修行菩薩於億劫中  
雖持十善戒行若樂聲聞阿羅漢果當知則  
是增上纏犯虧於大乘是爲修行菩薩持戒  
波羅蜜行

復次若修行菩薩發廣大心見諸衆生禁閉  
牢獄枷鎖杻械拷楚鞭撻斬其頭項割截手  
足耳鼻身分今時菩薩念言願我代彼普受

諸當今一切衆生皆得安樂若有惱我難忍  
能忍心無惡對當知如是修行菩薩則是慈  
忍波羅蜜行

復次修行菩薩願爲衆生樂住世間成熟衆  
生清淨佛土苦行逼惱而無疲倦當知則是  
菩薩精進波羅蜜行

復次修行菩薩若色聲香味觸五欲所纏不  
樂聲聞羅漢道果專念菩提當知是人恒在  
禪波羅蜜行  
復次譬如商人欲入大海船舶不預修商人  
及財陷沒當盡若預修船寬廣牢固商人及  
財皆達彼岸修行菩薩雖有道心若無堅牢

智慧不久退失菩提是以智慧波羅蜜成就  
菩提無所缺陷速成阿耨多羅三藐三菩提  
剎那一念無上菩提則是修行菩薩過於無  
量二乘功德智慧波羅蜜行

第七

出花嚴經入法界品

顯說一條行

善男子譬如師子獸王為諸獸故哮吼大聲

初修善薩發菩提心故  
喻類聲聞無所能及

以其聲故師子初生子而得肥壯勇健跳梁  
諸獸聞其大聲悉皆逃竄初修行菩薩喻若  
師子初生子息菩提發吼菩薩亦復如是是  
以如來薩婆若智為初修行菩薩故吼讚佛

性皆以如來善教引故菩薩而得智慧勇健  
菩提增長若諸衆生貪著煩惱而自損減譬  
如師子身筋造作箏弦其音若奏餘弦悉斷  
如來以波羅蜜成熟菩提起發心故若有讚  
歎五情俱斷二乘道行皆悉俱斷譬如以象  
牛雜乳成滿大池若以師子真乳一滴入池  
是諸雜乳悉皆流出不住同池菩提心乳亦  
復如是百千劫中積惡罪業以師子菩提心  
故罪障悉皆壞滅無餘二乘解脫與菩提種  
性不堪同居善男子譬如迦陵頻伽猶在卵  
中若發聲音雪山大鳥聲不能及修行菩薩  
亦復如是生死卵中發大菩提心故所修功

德大悲勢力若聲聞緣覺無能及者善男子  
譬如金翅鳥王其子初生日則明利飛則勁  
捷一切諸鳥雖久成長無能及者修行菩薩  
亦復如是發菩提心為法王子智慧清淨大  
悲勇猛一切二乘雖已歷劫久修道行皆不  
能及

# 第八

## 出寶髻所問經

顯說一條行

解修行菩薩一種持  
戒清淨行波羅蜜

尔時佛告寶髻菩薩言善男子何者是修行  
菩薩持戒波羅蜜清淨行善男子修行菩薩  
有一種持戒清淨行何者為一所謂於無上

善提而捨心復有是心若不相應事者而能  
相應是心於三界中勝上為最是心超越聲  
聞緣覺是心能救一切度達三界衆生至於  
彼岸是心能類無價寶珠而為等量是心深  
重護念無捨使無暫忘善男子當知修行善  
薩為十種尸波羅蜜清淨行何者為十所謂  
三種身淨行四種口淨行三種意淨行是為  
十無盡清淨戒

第九

出演法師品經

顯說一條行

善薩於諸刹上修學善  
薩行門喻類聲聞法教

尔時佛告舍利弗言舍利弗譬如有人自言

我能入大海至海底坐是人既見海已則於  
牛跡渦中動搖手脚自云我學拍浮他人告  
言汝自昔云我入大海取海底坐何故今日  
不入海中其人荅言我先於此牛跡水中習  
學然後方入大海舍利弗於意云何是人所  
修邪正以不所擬作者善巧方便以不所執  
我入海底先於牛跡渦中習學舍利弗言不  
也世尊若人願入大海必須入海習浮佛告  
舍利弗亦復如是佛入涅槃後世有法主比  
丘比丘尼優婆塞優婆夷於是大乘經典信  
心供養顯揚如來智慧聖德恭敬尊重既緣  
大乘深義智慧狹劣不達其底不解其義後

時依止聲聞修習雜學阿含經論以名聞利  
養故與諸檀越交通若有比丘不習大乘經  
者隨順逆相諂曲心故搆引伴侶樂學聲聞  
牛跡水渦習學拍浮舍利弗以是義故若修  
行菩薩所將大乘經典而求佛智者是修行  
菩薩應學如來威儀集行若如來在於無智  
衆中不共交通亦不受除施法外默然不  
語修行菩薩亦復如是如聞諸佛刹土諸大  
菩薩摩訶薩見在任持百千善巧方便於諸  
百千刹土習學教授億百千衆生令得神通  
大力而得善行功德舍利弗修行菩薩應當  
於諸刹土隨諸菩薩習學法行復應學彼威



儀行業禪定解脫三昧三摩鉢帝善巧方便  
威神五通解脫故隨其修學然於空閑淨處  
心念十方刹土諸大菩薩隨機方便不應樂  
入聲聞智慧受持習學

第十

出決定毗尼經

顯說二條行

解聲聞及菩薩如何授教戒行  
律儀相應又解三毒類定輕重

尔時聖者優波離從禪定起詣於佛所稽首  
頂禮退坐一面而白佛言世尊我今向來宴  
坐入定而有所思世尊先為聲聞緣覺乘人  
及初修大乘行菩薩為其制戒清淨律儀如  
來所說寧捨身命不得犯戒我於毗尼律藏

名爲上首今如來在卅若復涅槃我當云何  
教授戒律若聲聞緣覺乘人修持禁戒不令  
缺犯復當云何教授初修大乘行菩薩修持  
護戒卅尊是以爲我廣說教跡我今密於佛  
所聽聞授記我則以佛威神力故敢當自制  
我若攝授禁斷律儀願佛慈悲爲我宣說云  
何犯戒云何無犯卅尊今此會中聲聞菩薩  
無量衆集堪可表示  
尔時優波離說此語已佛告優波離言汝爲  
聲聞應機別說清淨戒行復爲初修大乘行  
菩薩故善巧方便應機別說清淨戒行何以  
故優波離若聲聞持戒當知戒行老別與初

修大乘菩薩戒相違背則非菩薩淨戒若初  
修大乘菩薩持戒清淨則與聲聞戒行違背  
不同非是淨戒所以者何若聲聞志願力故  
乃至剎那不求世間生死亦無所樂亦無所  
願是其聲聞清淨戒行若初修大乘行菩薩  
志願力故願我無量劫時於此苦海救度衆  
生心無疲倦是其初修大乘行菩薩清淨戒  
行以是義故優波離當知各為隨機當說禁  
戒若為初修大乘行菩薩說戒順於他心無  
惱衆生若為聲聞說戒利己不順他心若為  
初修大乘菩薩說戒寬容方便若為聲聞說  
戒無所寬容禁戒嚴切若為初修大乘菩薩

說戒可以長遠無相所說若為聲聞說戒可  
以嚴促執見有相為其所說優波離何故初  
修大乘行菩薩兼順他意而令修學何以故  
聲聞不順他意而令修學優波離當知初修  
大乘行菩薩各各隨機引化衆生順他心故  
無所惱故修持戒行若聲聞則非他心故修  
持戒行何故初修大乘行菩薩戒行寬容無  
犯何故聲聞禁戒窄狹嚴切優波離當知若  
初修大乘行菩薩晨朝有犯應當結罪至午  
若菩提心無間斷戒聚成就則非所犯若當  
午時有犯至於黃昏菩提心無間斷戒積成  
就則非所犯若黃昏有犯至於初夜菩提心

無間斷戒積成就則非所犯若初夜有犯至  
於中夜菩提心無間斷戒積成就則非所犯  
若中夜有犯至於後夜菩提心無間斷戒積  
成就則非所犯優波離當知初修大乘行菩  
薩戒行寬緩若有菩薩結罪有犯不應悔懼  
復次若聲聞犯戒戒相則滅無復更全何以  
故若聲聞持戒除煩惱故如救頭然燒衣心  
速爲求寂滅涅槃堅持戒行云何初修大乘  
行菩薩長遠修行無相無著不離世間云何  
聲聞執相一生斷滅現前修學優波離若初  
修大乘行菩薩喻若恒河沙劫雖受五欲快  
樂菩提心無暫捨當知是菩薩戒行無缺何

以故爲初修大乘行菩薩後時成熟菩提心  
故若在睡眠五欲尚無所染況在覺悟所以  
者何若初修大乘行菩薩不應一生摠斷煩  
惱若菩提成熟煩惱自滅若聲聞修習道行  
猶未成熟是等其心刹那不願更生世間是  
以一生迅速修行喻若救頭優波離當知初  
修大乘行菩薩長遠心無厭倦隨入修行應  
知聲聞一生暫時修學以是義故優波離汝  
若爲初修大乘行菩薩教授說戒寬遮順他  
意故長遠深邃教其修學若爲聲聞教授說  
戒不應順他亦無寬緩何以故初修大乘行  
菩薩爲大因緣修法器故而成阿耨多羅三

藐三菩提菩薩不應厭懼世間願我無量長  
遠劫時爲衆生故易生死苦是以如來不爲  
修行菩薩而說出離三界生死苦海悔過因  
緣所以者何如來爲修行菩薩故喜悅歡心  
爲說甚深清淨因緣無過無纏無障空相如  
是與其言說若菩薩聞是說已樂住世間無  
有厭倦乃至成就阿耨多羅三藐三菩提  
卽時聖者優波離白佛言世尊說有三種三  
毒重罪或緣貪欲相應或緣嗔恚牽纏或爲  
愚癡何者最重何者最輕願爲初修大乘行  
菩薩說其輕重方便戒行  
卽時佛告聖者優波離言若初修大乘行菩

薩以恒河沙劫常犯貪欲種類罪故若信受  
大乘而生一念瞋心結罪重於貪欲何以故  
優波離若瞋心發動則能捨棄衆生若捨瞋  
貪欲心發則攝衆生菩薩而無厄難何以故  
優波離佛說若犯貪欲捨離稍慢犯罪稍輕  
若犯瞋恚解離稍速獲罪甚重若犯愚癡解  
離則速得罪稍深優波離當知三毒輕重如  
是修行菩薩應當守護善巧方便智慧心故  
無令缺犯

第十一

出遍清淨毗尼經

顯說一條行

何解釋菩薩行聲聞行各各如  
調伏其心類於二乘輕重



尔時寂淨天子白文殊師利童子言初修行  
菩薩云何調伏其心若聲聞比丘云何調伏  
其心文殊答言厭離三界心驚動故則是聲  
聞調伏其心若攝授世間無量法故不斷生  
死一切衆生而施無畏利衆生故樂住世間  
則是修行菩薩調伏其心若厭離功德資糧  
則是聲聞調伏其心若集智資糧功德無厭  
則是修行菩薩調伏其心若厭見一切煩惱  
則是聲聞調伏其心若攝一切衆生煩惱則  
是修行菩薩調伏其心若不爲衆生故不念  
諸佛聖德則是聲聞調伏其心若爲一切衆  
生故顯現諸佛聖德則是修行菩薩調伏其

心若所修行業諸天不證則是聲聞調伏其  
心若復所修業行三千大千世界諸天普證  
知聞則是修行菩薩調伏其心若捨一切魔  
軍則是聲聞調伏其心若三千大千世界所  
有魔軍令其發動菩薩而能摧伏則是修行  
菩薩調伏其心若不明自身心量則是聲聞  
調伏其心若明一切刹土諸佛如來聖德則  
是修行菩薩調伏其心若唯爲自身則是聲  
聞調伏其心若爲衆生故修習攝念一切諸  
佛聖德則是修行菩薩調伏其心若爲小乘  
解脫執速則是聲聞調伏其心若以刹那智  
慧成熟菩提則是修行菩薩調伏其心若斷

滅三寶種性是聲聞調伏其心若修學三寶  
種性則是修行菩薩調伏其心若喻瓦瓶壞  
破無復更全則是聲聞調伏其心若喻金器  
破壞修持如舊則是修行菩薩調伏其心若  
以善巧方便不具則是聲聞調伏其心若善  
巧方便相應則是修行菩薩調伏其心若十  
力四無所畏不具則是聲聞調伏其心若以  
十力四無畏心相應則是修行菩薩調伏其  
心若避世間如避火坑則是聲聞調伏其心  
若樂住世間如遊園苑居住殿堂則是修行  
菩薩調伏其心若不具六波羅蜜并四攝事  
則是聲聞調伏其心若修六波羅蜜并四攝

事堅持攝念則是修行菩薩調伏其心若不  
斷一切宿緣習氣則是聲聞調伏其心若除  
相續一切習氣則是修行菩薩調伏其心略  
要言之若心著數量親近量法習學有量戒  
行三昧智慧解脫解脫知見則是聲聞調伏  
其心若非量數以無量繫親近無量善巧方  
便所學戒行三昧智慧解脫復緣解脫所見  
則是修行菩薩調伏其心

尔時如來告文殊師利菩薩言善哉善哉如  
汝所說此是修行菩薩初入調心法行以何  
義故文殊師利聽我所說乃至解脫此調伏  
義多應成就圓滿故文殊師利譬如二人同

居一處一人讚歎四大海水一人讚歎牛跡  
渦水文殊師利於意云何牛跡渦水堪讚多  
不文殊師利言是坑微淺況堪類於四大海  
水讚歎輕重佛言若聲聞調伏現相亦復如  
是譬如牛跡渦水自少不濟無所讚益當知  
小乘輕重若是其有一人所讚大海者文殊  
師利於意云何是人堪任讚大海不文殊師  
利言大海功德無量讚歎無量佛言修行菩  
薩亦復如是應現修行無量譬如大海不知  
滴量大乘功德亦復如是今時說此法已一  
萬二千天子皆發阿耨多羅三藐三菩提心  
各發是言世尊我等從今修行菩薩行處而

能修學願引一切衆生令入此道

大乘修行菩薩行門諸經要集卷上

觀

象腋

下音亦

摩詰

一下起反

退

字退

郁伽

六上反

於

唆

伐

上丁

可狹劣

上侯夾反

媯

惱

上汝亂也

拏

尼加反

糞壤

兩下反

也鞞舍

上步迷反

鉢

低

下亦底

記

剝

下并反

炆

音炆

燈

音注

相

胡

戒

下

拷

楚

上音

鞭

撻

下

達

反

船

音

反

白大

船也

哮

吼

上

許

跳

上音

條

下

正

逃

竄

下

鹿

勁

捷

上居

中

反

疾

也

渦

中

上

鳥

和

反

逝

音

弟

更

冥坐

安

於

見

反

也

